

Survista da nossas reglas (valablas davent dals prüms settember 2024)

Chara cliantella

Nossa butia spordscha büschmainta, s-charpas e giovarets da seguonda man da buna qualità. Per cha quai resta uschea, vain no dabsögn da vos agüd.

Manar per plaschair be:

- büschmainta per uffants e giuvenils (mats e mattas) fin grondezza 176
- büschmainta per duonnas fin grondezza L (40/42)
- büschmainta per mammas futuras fin grondezza L (40/42)
- Stinvs (vegnan vendüts a favur da la Lindorna)
- s-charpas in tuot las grondezzas chi s'afan per uffants e giuvenils
- Gös e cumbinellas in imballaschas originalas e sainza maclas
- Cudeschs d'uffants
- Bels giovarets (p.ex. da lain, lego, playmobil)

Per büschmainta e s-charpas vaglia:

- lavà (schi fa dabsögn fat oura cul fier), actual, sainza fouras e flachas, na sfilappà, sainza pezzas, nettiar soulas da s-charpas e valcrötschs

Ils artichels vegnan controllats cur chi vegnan manats in butia.

Causa pac lö nu pigliain no incunter:

- Ogets gronds e giovarets (p.ex. mobiglia da tuot gener, charozzas, buschas per portar uffants, saivinas per uffants pitschens, velos, sezzins da velo, bobbycar, chavagls da lain e.u.i.)
- Süaintamans e mantels da bogn
- roba da let (excepziun: sachs da dormir per poppins e cuvertas Zewi)
- artichels da hockey (excepziun: pattins e bastuns da hockey)
- Bes-chas da plüsch
- Artichels da sport d'inviern e requisits (skis, s-charpas e bastuns da skis, assas, s-charpas da snowboard, skis da passlung, bastuns e s-charpas da passlung, schlitras, bobs e.u.i.)
- DC's e DVD's

Manar la roba tenor stagiun:

- d'ürant ils mais da marz, avrigl, mai e g'ün pigliain no incunter be roba da stà
- d'ürant ils mais da settember, october, november e december pigliain no incunter be roba d'inviern

In schner/favrer e lügl/avuost nu pigliain no incunter ingüna roba.

Artichels surdats na correspondents a nos sortimaint vegnan allontanats sainza passar pled culla cliainta.

Annualmaing vegn inchaschè da mincha cliainta chi'ns maina roba üna „contribuziun solidaria“. L'import vain inchaschè al lö cur chi vegn dat giò la prüma jada roba d'ürant l'on.

Grazcha fich per l'incletta!